



24.11.2025թ.

**ՀՀ էկոնոմիկայի նախարարին կից
հասարակական խորհրդի նախագահ
պարոն Գևորգ Պապոյանին
«Հայաստանի Հաշվապահների Ասոցիացիա»
ՀԿ-ի նախագահ Հերմինե Թովմասյանից**

Հարգելի՛ պարոն Պապոյան.

Ներկայացնում եմ Ձեզ «Հայաստանի հաշվապահների ասոցիացիա» հասարակական կազմակերպության հայտը՝ ՀՀ էկոնոմիկայի նախարարին կից հասարակական խորհրդի կազմում ընդգրկվելու վերաբերյալ:

Հայաստանի Հաշվապահների Ասոցիացիան հիմնադրվել է 2014թ. նոյեմբերի 10-ին՝ Հայաստանում գործող մի քանի տասնյակ հաշվապահական հաշվառման գրասենյակների ներկայացուցիչների նախաձեռնությամբ: Այն հասարակական կառույց է, որը որդեգրելով «Կրթություն, որակավորում, հսկողություն» կարգախոսը, իր առջև նպատակ է դրել հաշվապահների մասնագիտական-սոցիալական պատասխանատվության բարձրացմամբ նպաստել Հայաստանի Հանրապետությունում հաշվապահական և հարկային հաշվառման համակարգի զարգացմանը, որն իր հերթին կնպաստի գործարար միջավայրի բարելավմանը, երկրի տնտեսության և քաղաքացիական հասարակության զարգացմանը: Ասոցիացիան, որպես իր առաքելության անբաժանելի մաս, կարևորում է հաշվապահների կողմից մասնագիտական էթիկայի կանոնների պահպանման և օրինապահ վարքագծի դրսևորման խթանումը:

Ասոցիացիան համարում է, որ բարձր որակավորում ունեցող, շարունակաբար վերապատրաստվող և արդիական գիտելիքներով զինված մասնագետներն են ապահովում ոչ միայն մասնագիտական միջավայրի, այլև երկրի սոցիալ-տնտեսական համակարգի կայուն զարգացումը:

Ասոցիացիայի հիմնական խնդիրներից մեկը հանրապետությունում հաշվապահների միջոցով գերակա խնդիրների վերահանումն է, ներկայացումը համապատասխան մարմիններին և գործակցությունը դրանց լուծման ուղղությամբ:

Ասոցիացիայի նպատակներն են՝ ՀՀ օրենսդրությամբ սահմանված կարգով

- աջակցել ՀՀ-ում հաշվապահական և հարկային հաշվառման համակարգի և գործունեության զարգացմանը,
- ՀՀ հաշվապահների մասնագիտական-սոցիալական պատասխանատվության բարձրացմամբ նպաստել քաղաքացիական հասարակության զարգացմանը, այդ թվում՝ պետություն-մասնավոր գործընկերության զարգացմանը,
- պետական, միջազգային և այլ կազմակերպություններում ստեղծված խորհուրդներում, հանձնաժողովներում և այլ մարմիններում ոլորտի տնտեսվարողներին վերաբերվող իրավական ակտերի, փաստաթղթաշրջանառությանը կամ այլ նմանատիպ հարցերի հետ առնչվող հանրային

- օժանդակել ՀՀ կառավարության կողմից հարկային հատուկ հաշվառման կանոնակարգերի մշակմանը և ներդրմանը,
- նպաստել համապատասխան (մասնագիտական) միջազգային կազմակերպությունների և բնագավառի օտարերկրյա ու տեղական մասնագետների կողմից Ասոցիացիայի կրթական ճանաչմանը,
- աջակցել Ասոցիացիայի անդամների մասնագիտական հմտության և փորձառության ձեռքբերմանը,
- աջակցել Ասոցիացիայի անդամների իրավունքների և օրինական շահերի պաշտպանությանը:

Մարզային սփռվածությունը հնարավորություն է ընձեռում Ասոցիացիայի անդամների միջոցով իրականացնել գործարար միջավայրի խնդիրների ամբողջական և հավաստի քարտեզագրում, որը հիմնված է տնտեսության տարբեր ճյուղերում գործող տնտեսվարող սուբյեկտների իրական փորձի վրա:

Ընդգրկված լինելով մի շարք պետական մարմինների հասարակական խորհուրդների կազմում՝ Ասոցիացիան, իր անդամ հաշվապահական հաշվառման գրասենյակների միջոցով հավաքագրում և վերլուծում է իրավակիրառ պրակտիկայում հանդիպած խնդիրները, որի հիման վրա առաջարկներ է ներկայացնում համապատասխան քաղաքականություն և վարչարարություն մշակող պետական մարմիններ և Ազգային ժողով՝ հետևողական գործունեության արդյունքում բարելավելով գործարար միջավայրի օրենսդրական դաշտը:

Ասոցիացիան համագործակցում է ոլորտում ակտիվ գործունեություն իրականացնող հասարակական կառույցների հետ՝ նպատակ ունենալով վերջիններիս միջոցով ապահովել հանրության ներգրավվածությունը ծրագրերի մշակման և իրականացման գործընթացում: Ասոցիացիան, հանրային քննարկումներին ցուցաբերելով ներկայացուցչական մասնակցություն, գործընկեր հասարակական կառույցների հետ համատեղ նպաստում է հասարակության օրինական շահերի պաշտպանությանը:

Ոլորտային հասարակական կառույցների ակտիվ մասնակցությունը իրավական ակտերի տարբեր նախագծերի մշակմանը, համատեղ քննարկումները հնարավորություն են տալիս որդեգրել առավել արդյունավետ և իրատեսական քաղաքականություն: Ասոցիացիայի փորձագետների կողմից իրականացվում է իրավական ակտերի նախագծերի ուսումնասիրություն և տրամադրվում ուսումնասիրության արդյունքում ձևավորված մասնագիտական կարծիք:

Ասոցիացիան համագործակցում է նաև Վերակառուցման և Զարգացման Եվրոպական Բանկի Հայաստանի ներդրումային խորհրդի հետ, որի շրջանակներում, որպես ՓՄՁ պետություն-մասնավոր երկխոսության հարթակի անդամ, ներկայացնում է օրենսդրական խնդիրներ, մշակում դրանց լուծմանն ուղղված օրենսդրական փոփոխությունների առաջարկներ:

Համագործակցությունների, տարբեր հանրային քննարկումներին մասնակցությունների, իրականացվող ծրագրերի մասին մանրամասն տեղեկատվություն ներկայացված է Ասոցիացիայի կայքում:

Հաշվի առնելով պետական և հասարակական կառույցների հետ Ասոցիացիայի համագործակցության բազմամյա փորձը, տարբեր հասարակական խորհուրդներում և այլ հարթակներում կազմակերպվող քննարկումներին ակտիվ մասնակցությունը, իրականացվող ծրագրերը, ինչպես նաև Ասոցիացիայի անդամ 41 հաշվապահական գրասենյակների առկայությունը, որոնք սպասարկում են տնտեսության տարբեր ճյուղերից 13300 տնտեսվարող սուբյեկտների՝ Ասոցիացիան կարող է հավաքագրել և ներկայացնել ոլորտային խնդիրներ՝ հիմնված Ասոցիացիայի անդամ գրասենյակների և վերջիններիս հաճախորդների իրական փորձի վրա, հանդես գալ դրանց լուծմանն ուղղությամբ առաջարկներով, տրամադրել իրավական ակտերի նախագծերի վերաբերյալ Ասոցիացիայի փորձագետների ուսումնասիրության արդյունքում ձևավորված մասնագիտական կարծիք, իրազեկման և խնդիրների վերհանման նպատակով կազմակերպել հանդիպումներ, թեմատիկ լսումներ, աշխատանքային քննարկումներ: Այս ամենը հնարավորություն կտա ընդունել ավելի մասնագիտական, փաստահեն և ներառական որոշումներ՝ հաշվի առնելով ինչպես մասնագետների, այնպես էլ շահառու խմբերի տեսակետները:

Հայտին կից ներկայացվում են՝

- իրավաբանական անձանց պետական ռեգիստրի միասնական գրանցամատյանից քաղվածքի պատճենը,
- Ասոցիացիայի կանոնադրության պատճենը,
- հիմնական ներկայացուցչի նույնականացման քարտի պատճենը:

Որպես Ասոցիացիայի հիմնական ներկայացուցիչ հանդես կգա Ասոցիացիայի նախագահ Հերմինե Արտակի Թովմասյանը (հեռախոսահամար՝ +37491470871, էլեկտրոնային փոստ՝ president@armaa.am): Հաշվի առնելով քննարկվող հարցերի բնույթը՝ Ասոցիացիայից որպես ներկայացուցիչ կարող է հանդես գալ ոլորտի առավել խորը մասնագիտական ու փորձագիտական գիտելիքներ ունեցող այլ անձ:

Կանխավ շնորհակալություն:

Նախագահ՝

Հերմինե Թովմասյան

